



ՄԱՅՐ ԱԹՈՌՈՒՄ

Հոկտեմբերի 20-ին, կիրակի, Մայր Տաճարում պատարագեց և քարոզեց հոգեշնորհ Տ. Մեսրոպ վարդապետ Պալյանը՝ «Քանզի բազումք յօժարեցին վերստին կարգել զպատմութիւն իրացն հաստատելոց ի մեզ» բնաբանով:

* *

Հոկտեմբերի 27-ին, կիրակի, Գլուտ խաչի տոնին, Մայր Տաճարում պատարագեց գերաշնորհ Տ. Ասողիկ եպիսկոպոս Ղազարյանը: Պատարագիչ սրբազանը քարոզեց «Զի ճառ խաչին կորուսելոցն յիմարութիւն է, ալ փրկելոցս մեզ զօրութիւն Աստուծոյ» բնաբանով:

* *

Հոկտեմբերի 27-ին, կիրակի, Մայր Աթոռ այցելեց ամերիկացի հայտնի գրող Ստայն-բերգը իր տիկնոջ հետ: Հարգելի հյուրերը հիացմունքով ունկնդրեցին Կոմիտասյան պատարագից մի քանի համարներ՝ Մայր Տաճարի երգչախմբի կատարմամբ: Հյուրերը եղան Մայր Տաճարի եկեղեցական հնութիւնների պահարանում և մեկնեցին լավ տպավորութիւններով:

* *

Հոկտեմբերի 29-ին, երեքշաբթի, ավելի քան մեկ ամիս Հայաստանում հյուրասիրվելուց հետո, իր հայրենիքը՝ Ֆրանսիա վերադարձավ հայտնի հայագետ պրոֆ. Ֆրեդերիկ Ֆելդին: Գիտնականը, Հայաստանում դսնված օրերին, հանդիպումներ ունեցավ Հայաստանի գիտութիւնների ակադեմիայում և մշակութային այլ հաստատութիւններում: Հարգարժան հյուրը մեկնեց լավագույն տպավորութիւններով:

Հոկտեմբերի 31-ին, հինգշաբթի, Միլանոյից բանաստեղծ պր. Ա. Սրապյանը, որպէս Մայր Աթոռի հյուրը շուրջ մեկ ամիս հայրենիքում մնալուց հետո, վերադարձավ իր բնակավայրը:

* *

Նոյեմբերի 3-ին, կիրակի, Մայր Տաճարում պատարագեց արժանապատիվ Տ. Հակոբ քահանա Հակոբյանը: Քարոզեց գերաշնորհ Տ. Ասողիկ եպիսկոպոս Ղազարյանը՝ «Զիք ինչ ծածոսկ որ ոչ յայտնեցի» բնաբանով:

* *

Նոյեմբերի 6-ին, չորեքշաբթի, Հոգևոր ձեմարանի ուսանողները, դասախոսական կազմի առաջնորդութամբ, շրջապատույտ կատարեցին Երևանի տեսարժան վայրերում: Նրա՝ եղան Մեսրոպ Մաշտոցի անվան մատենադարանում, Ալեքսանդր Մյասնիկյանի անվան հանրային գրադարանում, մեծանուն բանաստեղծ Ավետիք Իսահակյանի նորարար տուն-թանգարանում:

* *

Նոյեմբերի 9-ին, շաբաթ, Մոսկվա մեկնեցին Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը և «Էջմիածին» ամսագրի խմբագիր պր. Ա. Հատիսյանը, այնտեղից ուղևորվելու համար Հնդկաստան և միանալու Վեհափառ Հայրապետի շքախմբին:

* *

Նոյեմբերի 10-ին, կիրակի, Մայր Տաճարում պատարագեց արժանապատիվ Տ. Հովհաննես քահանա Մարությանը: